

Gwnz Loh Bae Hagdangz

Daxboh gou dwg boux dangbing ndeu, daengx bi dingzlai seizgan cungj youq ndaw budui gvaq. Ndaw ranz gingciengz cij miz gou caeuq daxmeh song boux, yienghneix couh youz daxmeh soengq gou bae hagdangz caeuq cieq gou ma ranz.

Gou gyaex yien fwngz daxmeh, mup heiqaehom gwnzndang daxmeh. Cungj heiqaehom neix dwg bingz raemxhom daxboh geij ngoenz gonq dak vunz daiq daeuj hawj daxmeh haenx.

Diuz loh bae hagdangz neix, gou roxnyinh gig gyaunde. Daengx bi seiqgeiq miz gij gingjsaek mbouj doengz, riengz seizgan bienqvaq mbe fuk veh gyaunde de okdaej.

Seizcin, ndit daj geh fwj mbaeumbengmbeng mbin roengzdaej, doek youq gwnz diegnywj heuoiq. Go' nywj riengz rumzcin diuq fouxangqyangz. Va-dauz henzloh hix hai lo, daj gyaex yawj bae, lumj benq fwjmaeq ndeu, coemj haeuj lwgda gyoengqvunz bae. Seizcin dwg aen geiqciat gou cieq gyaex he, sojmiz gingjsaek yawj hwnjbae cungj gig unqswnh, daiq hawj vunz maqmuengh lailai.

Seizhah, rumz banhaet sangjswtswt. Gou ciengzseiz yawjraen mbungqmbaj henzloh mbin-fengfeng diuqfoux, youq ndaw ndit angqyangz vad gaiqfwed, mbaeumbeng youh vaiqvued. Gofaex raemhrwd, sing non mwngz dingz gou heuh, singgo ndaw daswyenz baenzneix doxhuz, ngoenzngoenz mbouj dauqungz.



Geiqciat seizcou cieq dinj. Mbawfaex couh lumj deng saekhenj nyumx gvaq baez ndeu. Rumz bienq ndaej liengzsis, moix baez ci daeuj cungj hawj mbawfaex bibuengq yaek doek. Yienghneix, gwnz loh bu rim mbawfaex loeq henjrwk. Gyaqci nienj gvaqbae, mbawfaex fat ok sing yiengjcaca.

Hoeng daengz seizdoeng, danghnaeuz roengz nae, gou caeuq daxmeh couh byaij loh bae hagdangz. Naehau lumj dangzfaeq umqnemnem, gou cungj sij mbouj ndaej caij roengzbae, siujsim yupyup byaij youq gwnz de. Yawj naehau mboengmbup gwnz dieg louz roengz rizdin iqet gou, ndawsim gou cungj roxnyinh mbouj gvaqeiq.

Youq diuz loh neix, gou moix ngoenz cungj yawjraen haujlai doengzdoi. Gyoengqde caeuq gou

ityiengh, moix ngoenz youq gwnz loh cungj miz gojgaeq.

Miz seiz, gou yawjraen "bouxcabheiq" ban dou lumz daiq cozyez lo, deng vunzhung miq le, gipgip muengzmuengz byaij youq gwnz loh dauq ma ranz.

Miz seiz, gou yawjraen Siujhuj ranznden caeuq daxboh de doxdax byawz buet ndaej vaiq. Yawjraen aennaj Siujhuj hoengzfwdfwd, gou hozhaenz dangqmaz.

Miz baez ndeu, youq buenqloh cuengqhag ma ranz, fwn doek lo. Gou caeuq daxmeh mbouj daiq liengj. Daxmeh Siujhoengz bannden ciq aen liengj ndeu hawj dou. Daxmeh Siujhoengz gaemndaet aenliengj youq gyanf wng deng rumz ci dwk yaek mbin bae de, yungh rengz cw youq gwnz gyaex Siujhoengz, swheij mbiengj ndang ndeu cungj deng fwn rwed dumz lo. Gou ngeux gyaex yawj daxmeh, raen byoem de hix ndik raemxfwn. Gou gipmuengz nyoengx aenliengj gvaq mbiengj daxmeh bae. Daxmeh cix naeuz gou nyi, gyoengq daxmeh cungj mbouj lau deng fwn rwed.

Gou cam daxmeh, daxboh seizlawz hix daeuj soengq gou hwnjhag, daxmeh riu dwk doiq gou naeuz, gwnz loh miz gangj miz riu neix, cungj dwg gyoengqvunz lumj daxboh nei hensouj. Laxlawz, gij gyaunde gou yawjraen haenx, couhdwg cieq ndei cingqmingz le daxboh buenx youq henz ndang gou.

(sam nienzgaep Denz Wnhgyauz)

Vaizmeh Doek Vaizlwg

Cuengqgyaj le, gou daeuj-daengz ranz yahdaiq. Miz ngoenz ndeu banringz, yahdaiq lwnh gou vaizmeh yaek roengz lwg lo. Gou angq raixcaix, muengh vaizlwg vaiq di doek okdaej.

Daengz banhaemh, vaizmeh lij caengz roengz vaizlwg. Goengda gven vaizmeh haeuj rienghvaiz bae. Daengx ranz vunz youh simgip youh naihsim caj vaizlwg doek okdaej. Hoeng vaizmeh cij dwg mbouj dingz hemq "mo—mo—".

Doeklaeng, rienghvaiz sawq-mwh cienz daeuj sing hemq hung ndeu, gou simgip haenx sikhaek buet bae coh rienghvaiz. "Goengda goengda, ga vaizlwg okdaej lo!" Gou angqvauvau doiq goengda naeuz. Gaendwk, gou buekmingh doiq vaizmeh hemq: "Gayouz! Gayouz!" Vaizmeh lumj dingq rox nei, gwnz naj bwnyungzyungz de, raemx-hanh baenz ndik baenz ndik lae roengzdaej.

Seizgan baez faen baez miux gvaqbae lo, aenndang vaizlwg dauqdaej okdaej lo. Gvaq yaep ndeu, gyaexvaiz hix okdaej lo — vaizlwg doek okdaej lo.

Vaizlwg ngamq doek okdaej haenx, daengx ndang dumz-subsub, lij nem miz lwed. Vaizmeh raen le, gipmuengz dawz linx de riz vaizlwg. Vaizlwg rox dwg daxmeh riz de, couh hemq "mo" sing ndeu. Aiq dwg de gyo-mbaiq daxmeh ba! Vaizlwg sawq ndwn hwnjdaej. Hoeng ngamq ndwn hwnjdaej, ga de baez unq, couh laemx roengz lo. Lienzdaemh geij baez, de cungj dwg yiengh-neix. Hoeng de mbouj dingz roengzdaej, doeklaeng dauqdaej ndwn hwnjdaej lo. Vaizlwg byaij daengz henz ndang vaizmeh bae, ndaej gwn cijvaiz diemzsubsub lo.

Diuzmingh dwggyaex he doekseng youq ranz yahdaiq, dwg gienh saeh geijlai mizyinx he ha!

(seiq nienzgaep Yangz Yizfan)



Mbwn Gyanghaemh



Gwnzmbwn oatat hix dwg aenhaij oatat.

Baenz duj baenz duj fwjhaou couhdwg baenz duj baenz duj raemxlangh.

Ronghndwen vangungj dwg aenruz iq.

Aenruz iq menhmenh hai baenaj, ndonj gvaq baenz duj baenz duj raemxlangh.

Aenruz iq menhmenh hai baenaj, de mbouj miz mbaw gangfunghau.

Gou yaek venj mbaw sujbaq gou hwnj gwnz ronghndwen bae, yienghneix aenruz iq couh miz mbaw gangfungraiz ndeu lo.

Miz gangfung le, aenruz iq couh hai ndaej riuzriuz lo.

Ronghndwen

Aen ronghndwen nduenndu-ndu de venj youq gyanf mbwn oyaujyauj.

"Boh ha, daeuj vaiq di vei!"

Lwgnyez youq daxhongh hemq naeuz.

Daxboh byaij okdaej lo, bouxlwg yaeux aen batswiqnaj gyaeng raemxsaw de, angq-fwngfwng naeuz: "Boh ha, boh yawj vei, lwg gaeb ndaej aen ronghndwen ndeu bw."

(Daj 《Bonjsei Sim Lwgnyez》 (Veiz Gizlinz raiz) senj okdaej, Lwgfwnzme/卢 奋 长 hoiz)

